

VOL - III ISSUE 6



# REVERSE TRAGEDY

MIZO THLALATU HMASA

## ZATAIA CHANCHIN

### POEM

# NUPUI NEIH CHUNGCHANG

## FITNESS & HEALTH

### NATURE WATCH

*Cuisine*





**AVAZ RECIPE**  
Mission Veng,  
Near Thakthing Bus Stand  
Phone : 9862371379



 [https://www.instagram.com/mcmag\\_official/](https://www.instagram.com/mcmag_official/)

 <https://www.facebook.com/MovieCornerMagazine/>

---

# MOVIE CORNER MAGAZINE

moviecornermagazine.com

---

## EDITORIAL

**Editor-in-Chief:** m. ralte

**Deputy Editor:** mazirtira

**Editor-At-Large:** didini tochhawng

**Associate Editors :** mawia chawngthu  
stanley  
omoma ralte

**Art Directors:** ruati hrahsel  
muantea chinzah  
awmtea  
andrew lalbiaknunga ralte

**Cartoonist:** Hriatpuia Cc

---

2018

# contents

- 4 FROM THE EDITOR'S DESK  
MAZIRTIRA
- 6 MC PEOPLE : REVERSE TRAGEDY
- 8 CUISINE  
STANLEY
- 9 TOP BOX OFFICE
- 10 INTRODUCING THE  
COVERGIRL : MARY
- 14 NUPUI A NEI ANG A,  
A PUTLING MAI ANG  
MAWIA CHAWNGTHU
- 16 FITNESS & HEALTH  
EMMANUEL H. KHAWLHRING
- 17 THE ABANDONED GIRL  
ESTHER VL. KHAWNGAIHI
- 18 MIZO THLALATU HMASA  
'ZATAIA' CHANCHIN  
DIDINI TOCHHAWNG
- 20 NATURE WATCH

# From the Editor's desk

-mazitira

Awle hei, MC Magazine issue thar kan rawn chhawp chhuak leh ta a, kan Editor-in-Chief M.Ralte te pawhin naute thar duhawm tak mai May thla tir lam khan mipa 3.66kg an nei a, kan lawmpui em em baw a ni. Hetia kan Editor-in-Chief berin nau awm tur an neih belh meuh chuan duh aiin kan magazine pawh kan chhuah hma thei ta lo chu a ni ber a, kan lawm rual rual in chhiartute hriatthiamna kan dil nghal che u a ni e. Tun issue a i chhiar atan Reverse Tragedy kan kawmna te, article ngaihnaawm tak tak te, tin chubak ah content thar Fitness & Health kan rawn ti thar baw a, heihi issue tinah rawn tih chhoh zel tum a ni baw e. Hahdamtakin i mit ti tlai chungin lo chhiar vek turin duhsakna kan hlan a che u.

# ADMISSIONS OPEN

## ICFAI UNIVERSITY MIZORAM

MBA  
BCA BBA  
MSW M.Sc(Geog)  
BBA (Hospitality & Tourism)  
M.Com B.Com  
M.A (Economics)

### Master of Arts

Political Science  
English  
Education  
History  
Mizo & Cultural Studies

### Bachelor of Arts

Political Science  
English  
Geography

### ICFAI UNIVERSITY MIZORAM

Durtlang North, Aizawl, Mizoram - 796025  
[www.iumizoram.edu.in](http://www.iumizoram.edu.in)

CITY OFFICE (SATURDAYS OPEN)  
Chanmari, Aizawl, Opposite KFC  
Contact : 9856891948  
Email : [icfaiadmissions@iumizoram.edu.in](mailto:icfaiadmissions@iumizoram.edu.in)



*Build a BRIGHTER  
FUTURE with us...*



# MC People



## # REVERSE TRAGEDY

*Reverse Tragedy te hi tunlai thalai te chuan kan hmelhriat theuh awm e, music kaltlanga Mizo te tum eng emaw zat lo ti hmingtha tawhtu te hi chanchin tlem hi han bel chiang ila.*

### A LO PIAN DAN

Bishal, Chhuanawma leh Fela te hi DOEMCC tuna NEILT kan tih takah hian lehkhazir lovin chuta yang chuan inkawm khawmin music jam session te an nei ho thina. An drummer Suraj hian Revenge of Ancestor tih band-a a awm laiin Bishal (guitar) hi an band-a guitar perh turin a sawma; chuta yang chuan Suraj leh Bishal te hian project band din an rela, Fela (bass) leh Chhuanawma (Vocals) te an sawm bakah Bimal (keys) an sawma, 2013 project band anga ding hmasain Reverse Tragedy hi alo piang ta a ni.

### Band line up:

Vocals | David Lalchhuanawma  
Guitar | Bishal Gurung  
Bass | Lalrinfela Pachuau  
Drums | Suraj Sunar  
Keys | Bimal Sarki

Tunah hian an vocalist David Lalchhuanawma hi Australia-ah hna thil avangin a awma, nikum (2017) atang khan The Prophets vocalist Ronnie chuan an Gig/Events neihna hrang hrang ah a pui thin a, SHIROCK 2018 ah pawh tel puin, WINNER a nihpui nghe nghe a ni. Ronnie chungah hian "Reverse Tragedy" an lawm em em a, MC kaltlangin lawmthu an sawi nghal bawk a ni.

**MZU Rock Fest, 2013**

- Best Guitarist Award
- Best Keyboardist Award
- Best Drummer Award

**MZI North East Trade Expo Beat Contest, Aizawl 2013**

- Winner

**Scavenger Rock Idol, Aizawl 2013**

- Peoples Choice Award

**NE Trade Expo Beat Contest Guwahati 2013**

- 3rd Place,
- Best Bassist Award
- Best Drummer Award
- Best Guitarist Award

**NIT Silchar (Thundermarch) 2014**

- Winner
- Best Keyboardist Award

**MZU Rock Fest 2014**

- Winner
- Best Guitarist Award
- Best Drummer Award

**Rockomania 2014**

- 1st Runner up

**Rock-O-Phonix ,Alcheringa IIT Guwahati 2015**

- Winner

**AIMT Sanskriti Rock Rules 2015**

- Winner
- Best Guitarist Award
- Best Drummer Award

**OCTAVE Meghalaya 2015**

- 1st runner up
- Best Vocalist
- Best Guitarist

**Hornbill International Rock Contest, Kohima 2015**

- Winner
- Best Guitarist Award

**Shirock International Festival, Rock Contest (NorthEast Region) Ukhrul 2018**

- Winner

**Follow Reverse Tragedy**

**Bandcamp:** <https://reversetragedy.bandcamp.com/>

**Soundcloud:** [https://soundcloud.com/reverse\\_tragedy/](https://soundcloud.com/reverse_tragedy/)

**Youtube:** <https://www.youtube.com/channel/UCqezTMzwwsGgwjbbb9AzoPw>

**Facebook:** [www.facebook.com/reversetragedy](http://www.facebook.com/reversetragedy)

**Instagram:** [https://www.instagram.com/reversetragedy\\_official/](https://www.instagram.com/reversetragedy_official/)

**ZAWHNA LEH CHHANNA**

**MC:** *Tinge Reverse Tragedy in phuah chhan?*

**RT:** Reverse Tragedy hi a tirah chuan Reverse Strategy ti in kan drummer in a rawn phuah a... chuan kan thianpa Aman Shahi (Ryan With Da Generals vocalist) chuan, "Reverse Strategy tih ai chuan Tragedy ti zawk ula, lam anuam zawk mai bakah awmzia a nei tho sia...", alo tih takah chuan kan han sawi khawm a, tichuan Reverse Tragedy tih hming chu a lo piang ta ani. Reverse Tragedy tih chu kan nuna hun harsa leh khirh khan, lungngaihna leh vanduaina (tragedy) kan lo tawh thin kha a eng zawnga her let (reverse) kha kan tum a chu a ni. TRAGEDY ANTONYM CHU COMEDY/FORTUNE TIH NA ANI TA A...REVERSE TRAGEDY KAN TIH CHUAN A REVERSE TUR A CHU FORTUNE/JOY TI NA ANI MAI ANG CHU MAW.....HE..HE.. HE

**MC:** *Engtikin nge band angin in perform hmasak ber event leh place?? In nervous ve tho em?*

**RT:** Kan perform hmasak ber na chu MPAM Event, Maubawk ah ani a, Kan zaktheilo hrim hrim a Lol :D, kan nervous vaklo hahah, competition lo ah hi chuan kan nervous lo tlangpui.. :D

**MC:** *Chet that vak loh, perform chhiat tum te in nei ve fo em?*

**RT:** Umm...perform that vak loh tum chu kn nei fo mai...

**MC:** *Musician/Artiste leh Artist te hian harsatna hrang hrang an paltlang hnem thin hle a, band ang leh mimal ang theuhin music lamah in lo struggle tawh na te min hrilh thei em?*

**RT:** Hmmm....Band neiha, hming chher tum ve chuan struggle loh theihloh ani a, keini band pawh hian kan la struggle ve mek chu ani a, competition kan face nual bawk a Mizoram pawn anih deuh vek thin avang in mahni sum seng hlih in kan zin chhuak ve thin a harsatna tam tak chu kan tawk ve thin. Mimal ang zawng pawn mahni hna kalsana/exam thulh (Do not practise this) hial khawpa zin chhuah a ngaih chang te pawn harsatna chu kan tawk ve nasa thin khawp mai. Band tan hian thil tam tak sacrifice te pawh kan ngah ve hle ani (including girls..haha..just kidding)

**MC:** *In band hian hlawhtlinna te in hmuchho zela, tunah hian eng in hmachhawpah in dah mek?*

**RT:** Album tihchhuah ve kan tuma, chumi tur chuan kan in buatsaih meka. A bakah chuan gig kan hrang hranga perform kual hi kan hmachhawp chu a ni e.

# CUISINE

-stanley

## LETTUCE SALAD (TAUH)

### Mamawhte:

- Lettuce - Tel 2
- Badam (Salted Peanut Pack) - Bawm 2
- Dal - Tham 1.
- Purun Sen - Pum 2
- Hmarcha Hmui
- Tomato - Pum 1  
(Cherry Tomato - Pum 5)
- Chi
- Tel



### Siam Dan:

Lettuce chu inch 1 vel in han chan sawm la, dah hrang phawt rawh. Badam I deng sawm leh anga lettuce ah chuan I pawlh ang. Purun sen chu chan sawm leh la chuan tel tlem te nen a ro rep thleng I kang ang. Tel bang chuan dal chu ro rep in I kang leh anga chuan dal chu hmarcha rawt na ah I deng sawm ang. Tomoto chu sin te te in I zai anga lettuce ah chuan purun sen , badam , hmarcha hmui , dal leh tomoto chu I chawh pawlh vek anga, chi I duh ang tawk in I telh leh mai dawn nia. Hetia awh I Burma trawng a tauh tih kan hriat lar take m em hi a ni. Lettuce tauh a nih ber mai chu, dal kan ro hian a tui dan a ti dang lam in ei a ti manhla duh khawp mai.



*Recipe te hi Tested and Good Taste Approve vek an ni e – Ed Board.*




AS ON WEEKEND MAY 25 - MAY 27

# TOP BOX OFFICE

1. Solo: A Star Wars Story  
\$84.8M



2. Deadpool 2  
\$43.5M



3. Avengers: Infinity War  
\$17.4M



4. Book Club  
\$10.1M



5. Life of the Party  
\$5.3M




6. Breaking In  
\$4.3M



7. Show Dogs  
\$3.3M



8. Overboard  
\$3.2M



9. A Quiet Place  
\$2.4M



10. RBG  
\$1.3M



## MIZO MOVIE THAR

### THE LAST WISH (Thuchah Hnuhung)

A short film by Mapuia Chongthu

Natna khuma mu mek, pitar pakhat chuan a thih hma ngeiin a fapa, rambuai laia nham sipaia tang chu hmuh leh ngei beiseiin alo nghak fan fana.

A beisei ang ngei chuan a fapa chu hmuin thlamuang takin a thi ta a...

Mahse...

The Last Wish (Thuchah Hnuhung) hi Mapuia Chongthu personal project niin, ama ziah leh direct a ni nghal bawh. A thawnthu hi kum 1 chuang vel alo buaipui tawh a, an shoot hma hian pre-production atan kar hnih(2) bawh vel hmangin, ni ruk(6) chung an shoot-a, edit nan hian kar hnih(2) dang hun a hmang leh a ni. Mipuite en theih turin a tlangzarh thuai dawn a ni.

**TRAILER on YouTube:** <https://www.youtube.com/watch?v=P1wCkNXb6al>



INTRODUCING THE COVERGIRL

# MARY

Full Name:	<b>Mary Lalduhawmi</b>
Height:	<b>5'4 ½"</b>
Address:	<b>Ramhlun Venglai</b>



**Hobby :**  
*Playing (Sports)*

**Favourite colour:**  
*Black*

**Favourite Food:**  
*Shrimp, Tacos & Prawns*

MAKE-UP **andrea**  
WARDROBE **sangboihi design studio**  
PHOTOGRAPHY **didini tochhawng**





# NUPUI A NEI ANG A, A PUITLING MAI ANG

-mawia chawngthu

Hmanni chu ka hna kal tur ka insiam mawlh mawlh chu kan thenawm te titi ka hria a. An nau mipa pakhat, kum 30 tling tawh chungchang hi anlo sawi a. A tawpah chuan, 'Nupui a nei ang a, a puitling chho ve mai ang,' an ti ta mai a. Ni dangah pawh he thu hi ka hre tawh fo mai a, eng atan mah kalo ngai lem ngailo a. Amaherawhchu hemi tum hi chuan ka rilruah a awm zui ta reng mai a. Eng vangin nge nupui neih hmaa puitling lo hi nupui a neih hnua puitling thut thei tura kan beisei le? Kum a upat tawh hnua puitling chawp leh in beisei ai chuan naupan laia tanga inzirtir te hi a tha zawk lo emni tih ngaihtuah chuan ka rilru ka han seng ta a.

Mizote hi patriarchal society kan ni a, hmasang Matang tawhin pa ber hi chhungkaw lu ber a ni a, Kristianna alo luh hnu pawhin chutiang chuan kanla khawsa chho zel a ni. A thatna tam tak pawh a awm awm e. Hmanlai kha chuan mipa te khan khawtlangah khan an chanvo an hre viau mai a, mipa tih tur leh mipa nih dan tur pawh an hria. Chhungkaw din a, nupui fanau chawm tur an nih hi an inhre tha viau a ni. Tunah erawh kan dinhmun a in letling thawk emaw tih tur a ni a, hmeichhia te hian chhungkuaah loh theihlohin ro an rel a ngai ta hi a mak hle mai. Hmeichhia te hi chhungkaw khaiding turin an tlaklo ka tihna a nilo. Hmeichhe tamtak, fel tak tak leh puitling tak tak an tam. Chu ai mah chuan mipa fel tak leh chhungkaw khaiding zo khawpa puitling hi kan tlem ta deuh emawni tih hi kan inzawh a ngai a ni. Zirna lam a ni emaw, sumdawanna lam a ni emaw, fa te enkawl chungchangah a ni emaw mipa te hi kan tel tlem sawt tawh em em mai a ni. Chhungkaw chawm turin leh fa te tana entawn tlak ni turin nu te hi kan ring deuh chawt a, chutih lai chuan pa te hian enge an tih ve thin le? Lo ngaihtuah ve mai mai teh.



Mizote hi kan fa te kan enkawl danah hian thil pakhat chiang deuh a lang a, chu chu ilo thlir chin ang u. Kan fanu te hi chu an tet te lai atangin an putlin hun en rengin chanvo neih te, hna thawh te, tuarchhel tur tein kan zirtir a ni. 'Mami chu nakinah mi ina lawi tur a ni a, a duh duh danin a awm thei dawnlo a, chuvang chuan tun atang hian tuarchhel a zir a ngai,' tih rilru pu hian kan fanu te hi kan enkawl tlangpui a ni lomni? Chutichuan an naupan lai leh an tleirawl chhoh chhung zawngin mahni duhzawng dah thaa midang ngaihsak turin kan zirtir a, pasal fanau an han neih meuh chuan ngaia anlo neih tawh ang tho khan an nun an hmangzui a, nu tha tak an ni thei zel mai a ni. Hei hi nu leh pa te mai nilo khawtlang zawng zawngin kan beisei a ni.

Chutih lai erawh thung chuan kan fapa te hi engtin nge kan enkawl ve? 'Mama chuan nupui a nei ang a, a la puitling chawp ve mai ang,' tiin an awm duh dan danin kan awmtir a, ngaih tha takin kan enliam mai thin a ni. Tichuan thawveng takin fapa chu a awm a, a duh hunah a tho a, a duh hunah a leng

alo haw a, zu te pawh a in zeuh zeuh a, inchhung chet leh puitling ni tura chanvo hranpa neilo chuan a naupan lai leh an tleirawl lai hun an hmang chho ta char char a. 'Mipa khawsak dan ve reng alawm,' tiin kan enliam ta zel a. Tichuan nupui chu a nei ta reng a, a puitlin phah ta lem chuanglo a. Hun a kal deuh a, a ze ngaiin ala khawsa reng a, engtin nge kan tih? 'A nupui hi a fel lo em alawm,' kan ti leh ta daih lawi bawk sia.

Hetianga kan in enkawl hian thui takin mipa te ah chanvo neih (responsibility) thiamlohna a siam thin a ni. Mihring te hi kan naupan leh kan tleirawl lai hian kan nih tur ang chu kan zir chho a, kum 25 vel kan tlin hi chuan kan zia a nghet tawhin insiamthat a har tawh em em a ni. An seilen laia chanvo nei ngai miahlo khan a puitling hnuah vawileh khatah chanvo neih a thiam dawnlo reng reng. A naupan laia a zir a ngai. Siam that leh ngai ai chuan tlangval laia laktlak leh puitling takah kan siam thei tho awm si a, an naupang

lai atanga kan fapa te hi kan thunun a, kan hrual hle a ngai tih chu a chiang.

Fa te nunah hian pa te hian dinhmun pawimawh a luah tih hi hai rual a ni lo. Pa te nihna hian fapa te puitling hnuah an nih dan tur thui takin a hrilh bawk a ni. Pa berin zu a rui emaw ngaihzawng a kawp kual emaw chhungkaw chawm zo loa a awm reng chuan a fapa te pawh chutiang ang chuan an awm chho tlangpui a ni. American rapper, Tupac Shakur pawh kha a naupan lai atangin a pain a bosan a, a pa chu a hua in a ngainep hle a ni. Chuti chung chuan pa a neihlohna chu chhungrilah a hre reng a, 'Ka seilen lai khan pa nei ila chuan mahni in thunun ka thiam zawk ang a, ka inringtawk zawk bawk ang' a ti leh tho a ni. Chhungkuua mipa te dinhmun kan hriatchian zel a, kan fapa te enkawl chungchanga tan kan lak ala ngaihzia hi kan hriatchhuah deuh deuh a ngai a ni.



# FITNESS & HEALTH

-emmanuel h. khawhtring


**F**itness kan han tih hian Mizote hian hrisel pangai, natna in a tlak buai loh nun/taksa nei ah hian kan in ngai tawp mai a. 'FIT' tih hi 'in good health, especially because of regular physical exercise' tiin sap tawng chuan a sawi fiah a, 'Insawizawi avang a hriselna tha tak neih' tiin Mizo tawng chuan a lehlin theih awm e. Natna lian thamin min tlak buak loh vang hian insawizawi ngailo leh tul lo turah te hian kan ngai thina, amaherawh chu kan taksa hian insawizawi hi a mamawh em em tih hi chu ka hre ru vek awm tho e.

A nih Fit tur chuan eng nge ka tih ang. Eng tin nge ka insawizawi/exercise ang. Insawizawi/Exercise tur hian hotea bul tan dan tur tlem te han tarlang ila.

1. Nitin minutes 25 tal ban vai lawp lawp a leh kea kal te.
2. Aizawl bik ah ngat phei chuan step a tam em em a, step emaw kawng chho ah minute 18 tal kal te hian bul a tan theih ani.
3. Chuktuah huan/Home gardening neih te phei chu diabetes tan chuan insawizawina tling tak a ni.

Infihammi tan chuan a chung a ka ziah te khi a ho viau mai thei a. Chutihlain infiamna ti thin lemlo tan chuan a chung a ka ziah te khi bul tan nan chuan a thawk viau a. Mi thenkhat tan phei chuan beih fe te pawh a ngai mai thei. A tul leh kan duh a nih phawt chuan gym a kal hi insawizawi/exercise nan chuan a tha hle a ni. Gym ah Trainer hnuai ah tha tak a bul pana, mahni hmasawn dan ang zel a exercise tih hian mahni pawh kan phur in hriselna mai nilo, kan nitin nun hmanna ah pawh kan tha a tho in kan chak chho bek bek thei thin a ni.

Fitness chungchanga hriat belh duh leh zawhna nei chuan moviecornermag@gmail.com ah zawhna thehlut theih reng a ni e.





# THE ABANDONED GIRL

-esther vl khaungaihi

*A fragment of glass with tears;  
watch while she waste away,  
yet you leech on;  
for it was never allowed for her  
to suffer in your name is it?  
You the 'star' with audience held hostage;  
marked and labeled for you  
to use as you saw fit.  
Claim to love; but such can you justify?  
Is that the reason at all  
you fell into such chaos?  
For in your world,  
is love only reciprocated  
if they tied themselves to you?  
I become the candle who melts upon you,  
But you pours water to it instead.  
Your hands are cold; colder and colder  
as time passes by,  
faces do wither with time;  
but not love, no love!  
Screaming yet in silence she still suffers  
but cannot give up, cannot die.  
Putting her thoughts into a poem,  
releasing herself of all that she grieve.*

# MIZO THLALATU HMASA 'ZATAIA' CHANCHIN

-didini tochhawng

Zataia hi Pukzing khuaah kum 1900 bawr vela piang a ni a. A puitling deuh hnuah Aizawl lamah an in sawna; bawngte kaiin a inhlawh ve thina, hemi hnu hian puan thui a zira, puan te thuiin leh puan than te zuarin Kulikawn ah dawr a hawng a. Chutia sumdawna a han tan lai chuan Photography hi alo hmelhriat ve tana, amah hian ziak leh chhiar thiamlo mahse, mi themthiam tak a ni a, rei lo te chungin thlalak leh thlalak print dan te chu a han zira, eizawn nan a hmang chhunzawm ta nghal a ni. Kum 1940 bawr vel khan a nau Thangkhuma nen photo studio leh darkroom te siamin thlalak dawr an nei a. Kum 20 bawr vel chu tluang takin a thlalak dawr hi a kalpui a, amaherawhchu kum 1966, Mizoram rambuai lai khan a dawr hi a kang ral vek mai a. Rambuai hnu hian a kum te alo tam deuh tak avangin Zataia hian a thlalak dawr siam hi a chhunzawm ta lo a ni. Kum 1981 khan a boral.





Zataia leh a nupui, Nuchhungi



Zataia & Family, 1964



Zataia leh a nupui Nuchhungi, Ngaizel kawngah

# NATURE WATCH

*Rulrial*

**Common name :** Green cat snake

**Scientific name :** *Boiga cyanea*

*Mildly venomous/ Tur Hlauhawm loh*



**RULRIAL**

Photographed by  
*Phelly Pachuau*

Rul zen leh sei tha tak an ni a, Feet 6. 2 laia sei te an ni thei. Rul dang nen an danglamna leh hriat hran awlna chu an ka chung hi a dum a, rul hring ve tho anglo takin an lu chung leh hnungzanga puhlip te hi a hraw bik hle.

Ramhnuai thing leh hnim thatna leh hmun hnawng deuhah an awm tlangpui a, mihring khawsakna hnaih deuhah leh hnimah an khawsa tlangpui. Chhunah chuan thing

kawrawng leh thing zarah te inzial hlawm tlatin an hahchawl thin a, a tlang chakin a chuk pawh a rang hle a ni.

Mi a chuk dawnin a taksa hi hawrawp 'S' ang deuha in pawt khawmin a ka chung dum huam hi a ti lang bawk thin. Tui chi (oviparous) niin a nu hian wawi khatah tui 4-11 te a pai thin. Kum khatah wawi khat aia tam a tui thin a, a tui hi ni 64 atanga ni 90 ah a keu thin a, a note keu hlin hi feet 1.2 vela sei an ni.

Uchang ,sava leh a tui, laiking, rul dang leh sazu lam chi an ei thin.



*Phelly Pachuau*

